

Na osnovu člana 70. stav 1. tačka 2. Statuta Općine Vogošća („Službene novine Kantona Sarajevo“, broj 27/14 - Prečišćen tekst, 14/15, 9/20 i 23/24) i člana 11. stav 1. Odluke o priznanjima Općine Vogošća, („Službene novine Kantona Sarajevo“, broj: 2/26), Općinsko vijeće Vogošća na sjednici održanoj 30.04.2026. godine donijelo je

O D L U K U

O DODJELI PRIZNANJA OPĆINE VOGOŠĆA ZA 2026. GODINU

Član 1.

Ovom Odlukom Općinsko vijeće Vogošća dodjeljuje priznanja Općine Vogošća u povodu 24. juna Dana Općine Vogošća u skladu sa kriterijima i mjerilima za dodjelu općinskih priznanja.

Član 2.

Općinska priznanja u 2026. godini dodjeljuju se:

1. „Zlatni grb sa plaketom Općine Vogošća” dodjeljuje se:

1. Mustafa Bradić
2. Prof.dr.sc.med.Ilijaz Pilav
3. Admir Raščić-Ane
4. Avdo Hebib

2. „Plaketa Humanista godine Općine Vogošća“ dodjeljuje se:

1. Ramiz Tabaković
2. Eldin Kurtović
3. Muamer Čebo

3. „Plaketa za životno djelo“ dodjeljuje se:

1. Muhamed Kozadra

4. „Plaketa Mladi i perspektivni sportista Općine Vogošća“ dodjeljuje se:

1. Harun Smajić
2. Ema Mahmutović
3. Amna Kobiljak
4. Amir Zunđa
5. Zerina Bešlija
6. Lamija Dedić
7. Zejneb Šeta
8. Lajla Čebo
9. Emra Durmić
10. Džejla Kožljak
11. Hasan Hadrović
12. Ajša Šabić
13. Amina Hajdarpašić
14. Emel Šehović
15. Emina Mrkonjić
16. Damian Slavuljica
17. Almir Osmanović
18. Amina Suljanović
19. Muhamed Mrkonjić
20. Adna Balta

21. Adna Kurbagić
22. Amina Sarač
23. Nedžib Šehić
24. Selsebil Sinanović
25. Muhamed Hurić
26. Sara Žero

5. „Plaketa za dobitnike Zlatne značke UNSA“ dodjeljuje se:

1. Amila Šišić
2. Ilma Hodžić
3. Melina Hećo
4. Elma Ahmetović
5. Nejla Šehović

6. „Plaketa za dobitnike Srebrene značke UNSA“ dodjeljuje se:

1. Emir Spahić
2. Nejra Ćurović
3. Alma Duraković
4. Devla Panjeta
5. Harun Spahić
6. Ema Jakubović
7. Mirza Selimović

7. „Zahvalnica Općine Vogošća” dodjeljuje se:

1. Udruženje žena „Zumbul“
2. ATV Klub Motka
3. Adil Mehmedović
4. Policijska uprava Vogošća
5. Nedžad Brkanić
6. Hasan Šabić
7. Muhidin Alispahić
8. Elmedin Pirić
9. Nisveta Huskić
10. Kuglaški klub Vogošća
11. Mustafa Halać
12. Kadrija Malkić

Član 3.

Općinska priznanja iz člana 2. ove Odluke uručuju se na svečanoj sjednici Općinskog vijeća povodom obilježavanja Dana Općine Vogošća.

Član 4.

Ova Odluka stupa na snagu narednog dana od dana objavljivanja u “Službenim novinama Kantona Sarajevo”.

Broj: 01-02-398/26
Vogošća, 30.04.2026. godine

PREDSJEDAVAJUĆI
OPĆINSKOG VIJEĆA VOGOŠĆA

Hadžić Nihad

O B R A Z L O Ž E N J E

Pravni osnov za donošenje Odluke o dodjeli priznanja Općine Vogošća za 2026. godinu je:

- član 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 - Prečišćen tekst, 14/15, 9/20 i 23/24) koji glasi: „Općinsko vijeće donosi Odluke, druge propise i opće akte i daje njihovo tumačenje“.
- Član 11. Odluke o priznanjima Općine Vogošća, („Službene novine Kantona Sarajevo“, broj: 2/26) koji glasi: „Odluku o dodjeli priznanja donosi Općinsko vijeće na prijedlog Komisije za odlikovanja i priznanja“.

Finansijska sredstva za realizaciju Odluke o priznanjima Općine Vogošća za 2026. godinu planirana su u Budžetu Općine Vogošća.

U skladu sa Odlukom o priznanjima Općine Vogošća, („Službene novine Kantona Sarajevo“, broj: 2/26), Komisija za odlikovanja i priznanja Općinskog vijeća Vogošća je raspisala Javni poziv za predlaganje kandidata za dodjelu priznanja. U predviđenom roku pristiglo je 47 prijedloga od 11 predlagača. Komisija je donijela zaključak da prijedlog za dodjelu priznanja Kurtović Refik nije u skladu sa članom 9. Odluke o priznanjima Općine Vogošća, jer fizička lica ne mogu biti predlagač za dodjelu priznanja, stoga se isti odbacio i nije uzet u razmatranje. Prijedlozi su dostavljeni od političkih organizacija, mjesnih zajednica i udruženja. Analizirajući sve pristigle prijedloge utvrđeno je da je za ZLATNI GRB SA PLAKETOM OPĆINE VOGOŠĆA bilo pet (5) prijedloga od strane 4 predlagača, za PLAKETU HUMANISTU GODINE OPĆINE VOGOŠĆA tri (3) prijedloga od strane 2 predlagača, za PLAKETU ZA ŽIVOTNO DJELO dva (2) prijedloga od strane 3 predlagača, za PLAKETU MLADI I PERSPEKTIVNI SPORTISTA dvadesetšest (26) prijedloga od strane 2 predlagača, a za ZAHVALNICU OPĆINE VOGOŠĆA jedanaest (11) prijedloga od strane 6 predlagača.

Služba za privredu, integrisani lokalni razvoj i društvene djelatnosti dostavila je dvanaest (12) prijedloga za PLAKETU ZA DOBITNIKE ZLATNE/SREBRENE ZNAČKE UNSA.

Zaključkom Kolegija Općinskog vijeća u prijedloge za dodjelu općinskih priznanja „Zlatni grb sa plaketom Općine Vogošća“ uvršten je Avdo Hebib i za „Plaketu Humanista godine Općine Vogošća“ uvršten je Mumaer Čebo.

Nakon razmatranja prispjelih prijedloga, Komisija za odlikovanja i priznanja Općinskog vijeća Vogošća

PREDLAŽE ZA “ZLATNI GRB SA PLAKETOM OPĆINE VOGOŠĆA”

1. Mustafa Bradić

- Mustafa Bradić je rođen 18.3.1961. godine u Vogošći, po zanimanju je ekonomski tehničar, oženjen, otac dvoje djece, učesnik je odbrambeno-oslobodilačkog rata kao pripadnik Armije Republike Bosne i Hercegovine u periodu od 1992. do 1996. godine, a jedno vrijeme proveo je u logoru.
- Krajem 1997. godine zasniva radni odnos u Općini Vogošća na poslovima sekretara Mjesne zajednice Vogošća II. Tokom dugogodišnjeg rada isticao se predanošću i odgovornošću, aktivno učestvujući kako u redovnim, tako i u brojnim vanrednim aktivnostima. Dao je značajan doprinos realizaciji projekata usmjerenih na unapređenje kvaliteta života građana, posebno u oblasti sanacije ratom devastiranih stambenih objekata. Posebno se isticao u kriznim situacijama. Tokom vanrednog stanja izazvanog poplavama i izlivanjem Jošaničkog potoka u naselju Gornja Jošanica I, aktivno je učestvovao u akcijama spašavanja i zaštite stanovništva, stambenih objekata i materijalnih dobara. Svoj doprinos pružio je i tokom vanrednog stanja izazvanog obilnim snježnim padavinama, kada se aktivno angažovao na čišćenju snijega i pomoći stanovništvu, naročito u udaljenim dijelovima mjesne zajednice. Kao povjerenik i volonter Crvenog križa Općine Vogošća, učestvovao je u brojnim humanitarnim akcijama, uključujući prijem, skladištenje i distribuciju pomoći najugroženijim domaćinstvima.
- Njegova humanost ogleda se i u činjenici da je dobrovoljni davalac krvi, s više od 40 darivanja. Sve navedene aktivnosti obavljao je nesebično, često i van redovnog radnog vremena, uključujući neradne dane, vođen osjećajem odgovornosti i solidarnosti prema zajednici. Zahvaljujući svom kontinuiranom angažmanu i ličnom doprinosu u poslijeratnom periodu, dao je izuzetan doprinos

razvoju Mjesne zajednice Vogošća II, unapređenju komunalne infrastrukture i stvaranju boljih uslova života za sve građane.

2. Prof.dr.sc.med.Ilijaz Pilav

- Ilijaz Pilav, rođen je 13.12.1964. godine u Srebrenici. Doktor je medicinskih nauka, specijalista opće hirurgije i subspecijalista torakalne hirurgije. Trenutno obavlja funkciju šefa Klinike za torakalnu hirurgiju KCUS i vanredni je profesor Medicinskog fakulteta Univerziteta u Sarajevu.
- U najtežim trenucima za našu državu, tokom agresije na Bosnu i Hercegovinu, dr. Pilav nije bio samo ljekar – bio je stub opstanka. Kao ratni hirurg u Srebrenici, u uslovima potpune izolacije, nedostatka osnovnih sredstava i konstantne životne ugroženosti, obavljao je dužnost šefa hirurgije u Ratnoj bolnici, ali i načelnika saniteta 28. divizije Armije Republike Bosne i Hercegovine. U takvim okolnostima, koje prevazilaze granice ljudske izdržljivosti, izvršio je više od 4000 operativnih zahvata, spašavajući živote svojih sugrađana i saboraca. Njegova uloga u tim danima nije bila samo medicinska – bila je duboko humana i historijska.
- Danas, kao šef Klinike za torakalnu hirurgiju Kliničkog centra Univerziteta u Sarajevu, ubraja se među vodeće stručnjake u svojoj oblasti u Bosni i Hercegovini i regionu.
- Njegov doprinos nauci i obrazovanju ogleda se kroz dugogodišnji rad na Medicinskom fakultetu Univerziteta u Sarajevu, gdje kao profesor aktivno učestvuje u obrazovanju novih generacija ljekara. Autor je i koautor više od 50 naučnih i stručnih radova, te član evropskih stručnih udruženja, čime aktivno doprinosi razvoju medicinske nauke i međunarodnoj afirmaciji Bosne i Hercegovine.
- Posebnu dimenziju njegovog društvenog angažmana predstavlja borba za ljudska prava. Kroz slučaj koji je vođen pred Evropskim sudom za ljudska prava u Strazburu, dr. Pilav je dao historijski doprinos unapređenju principa jednakosti i demokratskih vrijednosti, ne samo za sebe, nego za sve građane Bosne i Hercegovine.
- Život i rad prof. dr. Ilijaza Pilava predstavljaju spoj vrhunskog profesionalizma, lične hrabrosti i dubokog osjećaja odgovornosti prema društvu. Njegov doprinos zdravstvu, nauci, očuvanju istine i izgradnji pravednijeg društva čini ga istinskim simbolom vrijednosti koje Općina Vogošća želi prepoznati i nagraditi.

3. Admir Raščić-Ane

- Admir Raščić, rođen je 26.04.1961. godine mjestu Milino R. Makedonija. U Sarajevu je završio pedagosku akademiju nastavniki smjer.
- Tokom agresije na BiH bio je pripadnik Armije BiH od 06.04.1992 godine, gdje je svojim znanjem i hrabrošću napredovao do čina kapetana. Obavljao je izuzetno odgovorne dužnosti komadanta manevarskog bataljona, učestvujući u najtežim borbenim dejstvima na području Sarajeva, Vogošće, Bjelašnice. Treskavice i drugih ratišta.
- Kao i vojnik i komadant dao je nemjerljiv doprinos u odbrani i oslobađanju teritorija, te je više puta ranjavan. Nosilac je najvišeg ratnog priznanja "Srebreni štit". Nakon završetka borbenih dejstava aktivno učestvuje u stabilizaciji i reintegraciji prostora općine Vogošća, osiguravajući uslove za povratak i normalizaciju života.
- Po završetku vojne karijere i penzionisanja 2007. godine nastavio je svoj angažman u društvenom životu kroz rad u udruženjima i sporskim klubovima.
- Kao osnivač i predsjednik Upravnog odbora gimnastičkog kluba "OLIMP" dao je ogroman doprinos razvoju sporta i mladih kroz koji je prošlo više od 3500 djece.
- Njegov rad je prepoznat i na državnom nivou gdje je klub proglašen za promotora sporta Bosne i Hercegovine. Lično je aktivan i kao član komisije pri olimpijskim strukturama, te ostvaruje zapažene rezultate u sportu uključujući titule državnog, balkanskog i evropskog prvaka u veteranskoj konkurenciji.
- Ukupan doprinos Admira Raščića ogleda se u herojskoj odbrani zemlje i općine, doprinosu sigurnosti i povratku protjeranih vogošćana, dugogodišnjem radu sa mladima i razvoju sporta i afirmaciji ugleda Vogošće na širem nivou.

4. Avdo Hebib

- Avdo Hebib, tadašnji ministar unutrašnjih poslova Republike Bosne i Hercegovine i prvi ministar Federalnog ministarstva unutrašnjih poslova, bio je jedan od ključnih ljudi koji su od samog početka agresije stali u odbranu države i njenog naroda. Njegova uloga u organizaciji sigurnosnog sistema i pružanju otpora bila je od presudnog značaja u najtežim trenucima novije historije Bosne i Hercegovine.
- Posebno mjesto u njegovom djelovanju zauzima doprinos u odbrani, ali i kasnijoj reintegraciji okupiranih područja. Avdo Hebib ostao je upamćen kao čovjek koji je među prvima ušao u reintegriranu Vogošću, simbolično označivši povratak ovog prostora u ustavno-pravni poredak Federacije Bosne i Hercegovine. Predvođeni aktivnosti deblokade Sarajeva, uključujući općine Vogošća, Ilijaš, Hadžići i Ilidža, dao je nemjerljiv doprinos ponovnom uspostavljanju života na ovim područjima.
- Jedan od najupečatljivijih trenutaka tog perioda bio je čin postavljanja table na zgradu Općine Vogošća i isticanje zastave sa obilježjima države Bosne i Hercegovine. Time je zvanično potvrđena reintegracija ovog dijela teritorije, što je ujedno označilo početak novog poglavlja – obnove, povratka stanovništva i razvoja lokalne zajednice.
- Pored ratnih zasluga, Avdo Hebib dao je značajan doprinos i u pripremi i provođenju referenduma za nezavisnost Bosne i Hercegovine, učestvujući u organizaciji sigurnosnih i logističkih aktivnosti na teritoriji cijele države, zajedno sa tadašnjim policijskim strukturama.
- Njegova povezanost s Vogošćom nije prestala završetkom rata. Naprotiv, i danas aktivno učestvuje u obilježavanju godišnjica reintegracije općine, redovno se odazivajući na pozive za svečane sjednice i manifestacije. Svojim prisustvom i angažmanom doprinosi njegovanju kulture sjećanja i podsjeća na važnost zajedničke borbe, žrtve i očuvanja istine o proteklom događajima.
- Avdo Hebib ostaje simbol odlučnosti, hrabrosti i predanosti državi Bosni i Hercegovini, kao i trajni svjedok vremena u kojem se branila njena nezavisnost i sloboda.

KOMISIJA PREDLAŽE ZA PLAKETA „HUMANISTA GODINE OPĆINE VOGOŠĆA“

1. Ramiz Tabaković

- Ramiz Tabaković je primjer istinske ljudske hrabrosti, nesebičnosti i odgovornosti prema drugima. Svojim djelom pokazao je da heroji zaista postoje među nama. Ramiz Tabaković iz Ilijaša je pokazao da u najtežim trenucima ima hrabrosti da se suoči sa najvećim izazovom, a to je da rizikuje svoj život kako bi spasio i pomogao drugom.
- Ovaj hrabri čovjek se našao na mjestu teške saobraćajne nesreće u Semizovcu 05.07.2025.godine. Saobraćajna nesreća u kojoj je djevojci metalna šipka iz auta prošla kroz nogu i onemogućila je da izađe iz vozila koje je počelo da gori. Iako je na licu mjesta bilo više osoba, niko se nije usudio da djevojci pomogne da se izvuče iz vozila. Ramiz i sam invalid bez jedne ruke, nije razmišljao pritekao je u pomoć i izvukao djevojku na sigurno, ukazao prvu pomoć, odvezao do Doma zdravlja u Vogošći, čime je spasio sigurne smrti, jer je pomenuto auto u potpunosti izgorilo.
- Njegovo ime postalo je simbol humanosti nakon ovog događaja u Vogošći. Ovaj čin nije samo spasio jedan život, već je podsjetio cijelu zajednicu na vrijednosti solidarnosti, hrabrosti i spremnosti da se pomogne drugome u nevolji.

2. Eldin Kurtović

- Eldin Kurtović, rođen 19.02.1992. godine u Sarajevu, prepoznat je kao vrijedan, čestit i društveno odgovoran član zajednice, poznat građanima Vogošće kao uspješan frizer, porodičan čovjek i otac dvoje djece. U narodu je prepoznat i po nadimcima „Kurta“, koji nosi kao tradicionalni odraz porodičnog identiteta. Iako se Eldin Kurtović nikada nije nastojao posebno isticati niti graditi ličnu promociju kroz svoj humanitarni angažman, njegov rad je prepoznat kroz brojne javne inicijative i pozive za pomoć onima kojima je najpotrebnija.

- Kroz vlastiti angažman i mobilizaciju zajednice, učestvovao je u prikupljanju novčanih i drugih vidova pomoći za širok spektar korisnika, uključujući djecu, jetimske porodice, samohrane majke, osobe sa invaliditetom, bolesne, osobe sa poteškoćama u razvoju, starije i iznemogle, kao i sve druge kategorije stanovništva koje se nalaze u stanju potrebe.
- Upravo takav pristup čini ga uzorom humanosti i društvene odgovornosti, te primjerom koji nadilazi individualni angažman i prerasta u istinsku inspiraciju za širu zajednicu.

3. Muamer Ćebo

- Muamer Ćebo, rođen je 19.11.1973. godine u Sarajevu, oženjen je i otac dvoje djece. Bio je pripadnik OS Armije BiH od 1992 do 1995 godine. Po završetku srednje škole od 1991. godine radio je u Unis energotehnika i po završetku agresije ponovo se vratio na stari posao. Nakon Unis energotehnike svoj radni vijek nastavio je kroz samostalni obrt, sve do 2016. godine, kada se zapošljava u OŠ "Porodice ef. Ramić" na radno mjesto održavanje grijanja i hlađenja, gdje i danas radi.
- Dana 12.03.2026.godine u popodnevrim satima dogodila se saobraćajna nesreća u naselju Svrake, gdje se na licu mjesta našao Muamer Ćebo. Naime, dok je čekao prelazak preko pruge, dogodila se nesreća gdje je djevojčica koja je prelazila isti pružni prijelaz, udarena od strane voza, koju je voz odgurao cca. 40 metara između šina. Muamer je brzo izašao iz auta i uvidio šta se desilo. Dok je djevojčica ležala ispod vagona, Muamer je brzo intervenisao, obzirom da je svaka sekunda bila života vrijedna. Obzirom na polažaj djevojčice, čija je ruka bila na šinama, a voz još u pokretu, Muamer je bez razmišljanja uskočio ispod voza i u zadnjim momentima sklonio djevojčicinu ruku sa šine, koju bi joj voz sigurno odsjekao, te je zaštitio svojim tijelom. Kada se voz stabilizovao, izvukao je djevojčicu. U međuvremenu se pojavila hitna koju je već neko od mještana pozvao.

KOMISIJA PREDLAŽE ZA „PLAKETA ZA ŽIVOTNO DJELO“

1. Muhamed Kozadra

- Muhamed Kozadra rođen je 01.12.1957. godine u Rogatici. Svojim dugogodišnjim predanim radom i izuzetnim rezultatima ostavio dubok i neizbrisiv trag u razvoju i afirmaciji općine Vogošća, ali i šire društvene zajednice. Njegovo djelovanje obilježeno je odgovornošću, vizijom i trajnom posvećenošću javnom interesu.
- Kroz obavljanje najodgovornijih funkcija, uključujući dužnost načelnika Općine Vogošća, Muhamed Kozadra dao je ključan doprinos razvoju lokalne zajednice. U periodu njegovog mandata realizirani su brojni infrastrukturni projekti, unaprijeđene komunalne usluge, te stvoreni preduslovi za kvalitetniji život građana. Njegovo vođenje općine karakterisali su transparentnost, efikasnost i snažna usmjerenost ka potrebama građana.
- Svojim radom i rezultatima na lokalnom nivou, stekao je povjerenje za obavljanje i jedne od najviših izvršnih funkcija – funkcije premijera Kantona Sarajevo. Na toj poziciji, svojim znanjem, iskustvom i odlučnošću, dao je značajan doprinos jačanju institucija, unapređenju javnih politika i ukupnom razvoju Kantona Sarajevo, uvijek vodeći računa o interesima svih njegovih građana. Poseban doprinos dao je i u najtežim trenucima za našu domovinu, kao učesnik odbrambeno-oslobodilačkog rata, gdje je pokazao patriotizam, hrabrost i spremnost na žrtvu.
- Nakon ratnog perioda, nastavio je aktivno raditi na obnovi, razvoju i jačanju institucija, dajući doprinos stabilizaciji društva i izgradnji funkcionalne lokalne i kantonalne vlasti. Posebno se isticao u podršci društvenim, kulturnim i sportskim projektima, kao i u radu sa mladima, kojima je bio primjer odgovornog i predanog javnog djelovanja. Muhamed Kozadra je prepoznat kao čovjek visokih moralnih vrijednosti, integriteta i profesionalizma, koji je svojim radom i odnosom prema ljudima stekao trajno poštovanje i povjerenje građana.

KOMISIJA PREDLAŽE ZA „PLAKETA ZA DOBITNIKE ZLATNE ZNAČKE UNSA“

1. Amila Šišić

- Amila Šišić, rođena je 29.06.2002.godine u Sarajevu, općina Centar. Najbolja studentica prvog ciklusa Pravnog fakulteta. Dobitnica je zlatne značke Univerziteta u Sarajevu.

2. Ilma Hodžić

- Ilma Hodžić, rođena 10.03.2004.godine u Sarajevu, općina Centar. Jedna od najboljih studenata prvog ciklusa studija Ekonomskog fakulteta. Dobitnica je zlatne značke Univerziteta u Sarajevu.

4. Melina Hećo

- Melina Hećo, rođena 12.02.2003. godine u Banja Luci. Proglašena za najboljeg studenta Univerziteta u Sarajevu na federalnom nivou, student generacije, dobitnica najvišeg priznanja, zlatne značke. Trenutno pohađa master studij Fitomedicina.

5. Elma Ahmetović

- Elma Ahmetović, rođena 22.08.2001.godine u Sarajevu, općina Centar. Proglašena je za najboljeg studenta prvog i drugog ciklusa studija Univerziteta u Sarajevu Ekonomskog fakulteta i dobitnica najvišeg priznanja, zlatne značke

6. Nejla Šehović

- Nejla Šehović, rođena 19.12.2000.godine u Sarajevu, općina Centar. Jedna je od najboljih studentica prvog i drugog ciklusa Univerziteta u Sarajevu i dobitnica zlatne značke Prirodno - matematičkog fakulteta.

KOMISIJA PREDLAŽE ZA „PLAKETA ZA DOBITNIKE SREBRENE ZNAČKE UNSA“

1. Emir Spahić

- Emir Spahić, rođen 03.12.1989. u Tuzli. Proglašen je za najboljeg studenta prvog ciklusa studija Univerziteta u Sarajevu na Fakultetu za upravu i dobitnik srebrne značke.

2. Nejra Ćurović

- Nejra Ćurović, rođena 13.06.2002.godine u Sarajevu, općina Centar. Jedna je od najboljih studenata prvog ciklusa studija Univerziteta u Sarajevu na Fakultetu zdravstvenih studija i dobitnica srebrne značke Univerziteta.

3. Alma Duraković

- Alma Duraković, rođena 07.04.2002.godine u Olovu. Jedna je od najboljih studenata prvog ciklusa studija Univerziteta u Sarajevu na Pedagoškom fakultetu i dobitnica srebrne značke Univerziteta.

4. Devla Panjeta

- Devla Panjeta, rođena 12.09.2001. u Sarajevu, općina Centar. Proglašena je jednom od najboljih studenata prvog i drugog ciklusa studija Univerziteta u Sarajevu na Ekonomskom fakultetu i dobitnica srebrne značke.

5. Harun Spahić

- Harun Spahić, rođen 28.06.2000.godine u Visokom. Dobitnik je priznanja jednog od najboljih studenata integriranog studijskog programa prvog i drugog ciklusa studija Univerziteta u Sarajevu na Stomatološkom fakultetu sa stomatološkim kliničkim centrom te srebrne značke.

6. Ema Jakubović

- Ema Jakubović, rođena 08.05.2000.godine u Sarajevu, općina Centar. Jedna je od najboljih studenata integriranog studijskog programa prvog i drugog ciklusa studija Univerziteta u Sarajevu na Stomatološkom fakultetu i dobitnica srebrne značke.

7. Mirza Selimović

- Mirza Selimović, rođen 28.12.2001.godine u Sarajevu, općina Centar. Proglašen je jednim od najboljih studenata prvog i drugog ciklusa studija Univerziteta u Sarajevu na Građevinskom fakultetu, te dobitnik srebrne značke Univerziteta.

KOMISIJA PREDLAŽE ZA “PLAKETA MLADI I PERSPEKTIVNI SPORTISTA”

1. Harun Smajić

- Harun Smajić, rođen 25.03.2007.godine u Sarajevu. Član je Karate kluba „Champion“. Osvojio je prvo mjesto na Balkanskom prvenstvu za juniore 2024.godine, prvo mjesto na Državnom prvenstvu BiH. Bio je učesnik na Evropskom prvenstvu u Tbilisiju za juniore i Svjetskom prvenstvu u Veneciji za juniore.

2. Ema Mahmutović

- Ema Mahmutović, rođena 10.03.2013.godine u Sarajevu. Ema je članica Taekwondo kluba Victory te je u takmičarskom dijelu postigla sljedeće rezultate:
 - Evropsko dječije prvenstvo u Albaniji – 3 mjesto
 - Balkansko prvenstvo u Rumuniji – 1 mjesto
 - Državno prvenstvo BiH- 1 mjesto

3. Amna Kobiljak

- Amna Kobiljak, rođena je 24.08.2011. godine u Sarajevu. Članica je Taekwondo kluba Victory i njen najbolji rezultat tekmičenja bio je u Crnoj Gori gdje je osvojila drugo mjesto i srebrnu medalju.

4. Amir Zundža

- Amir Zundža, rođen 06.02.2012.godine u Sarajevu. Aktivan član Karate kluba „Sambon“ Vogošća od 2017.godine. Na Balkanskom prvenstvu za djecu u Istanbulu 2024.godine je osvojio treće mjesto, a na Svjetskoj ligi U14 peto mjesto.

5. Zerina Bešlija

- Zerina Bešlija, rođena 24.10.2008.godine. Aktivna članica Atletskog kluba „Vogošća“ i svoj najbolji rezultat postigla je na Državnom takmičenju u Tuzli 2024.godine gdje je osvojila prvo mjesto u bacanju kugle u kategoriji mlađih juniorki. Članica je i reprezentacije BiH u atletici, a 2024. godine proglašena je za najperspektivnijeg sportistu Kantona Sarajevo u atletici.

6. Lamija Dedić

- Lamija Dedić, rođena 24.06.2010.godine u Sarajevu. Članica je Taekwondo kluba Victory te je na Državnom prvenstvu BiH 2024.godine osvojila prvo mjesto, dok je na Montenegro Podgorica Open 2024 osvojila treće mjesto.

7. Zejneb Šeta

- Zejneb Šeta, rođena 20.10.2009.godine u Sarajevu. Aktuelna je državna prvakinja u kategoriji kadetkinja i članica Karate kluba „Okinawa“. Osvojila je peto mjesto na Balkanskom prvenstvu i peto mjesto na Svjetskoj ligi.

8. Lajla Ćebo

- Lajla Ćebo, rođena 15.04.2010.godine u Sarajevu. Članica Taekwondo kluba Victory, te na državnom prvenstvu osvojila drugo mjesto. Također je nastupala i na Evropskom kadetskom prvenstvu i na Evropskom klupskom prvenstvu.

9. Emra Durmić

- Emra Durmić, rođena 02.10.2013.godine u Sarajevu. Emra je članica Taekwondo kluba Victory i njen najbolji rezultat je ostvaren na državnom prvenstvu BiH za mlađe kadete gdje je osvojila prvo mjesto.

10. Džejla Kožljak

- Džejla Kožljak, rođena 09.06.2005.godine u Sarajevu. Članica je Judo kluba „Vogošća“ i reprezentativka BiH, te je nastupala na Evropskom Judo kupu u kategoriji juniorki i seniorki. Džejla na Balkanskom prvenstvu Kosovo 2024. godine ima osvojeno ekipno treće mjesto, dok je na Državnim prvenstvima osvajala druga mjesta.

11. Hasan Hadrović

- Hasan Hadrović, rođen 17.12.2007.godine u Sarajevu. Na Balkanskom prvenstvu u Rumuniji i Državnom prvenstvu BiH za seniore, osvojio treće mjesto.

12. Ajša Šabić

- Ajša Šabić, rođena 23.05.2011.godine u Sarajevu. Članica je Karate kluba „Okinawa“. Ajša je zabilježila nastup na Svjetskoj ligi u Poreču. Osvajačica je mnogobrojnih medalja sa državnih prvenstava.

13. Amina Hajdarpašić

- Amina Hajdarpašić, rođena 08.01.2009.godine u Njemačkoj. Najbolji rezultat ostvarila je na Otvorenom kantonalnom prvenstvu u Sarajevu gdje je osvojila prvo mjesto. Također, učestvovala je na Balkanskom prvenstvu u Rumuniji te osvojila treće mjesto.

14. Emel Šehović

- Emel Šehović, rođen 02.02.2013.godine u Sarajevu. Emel je član Taekwondo kluba Victory te ima postignute rezultate na kantonalnom, federalnom, državnom i međunarodnom nivou. Na državnom prvenstvu BiH za mlađe kadete, koje je održano u Sarajevu 2025. godine je osvojio prvo mjesto.

15. Emina Mrkonjić

- Emina Mrkonjić, rođena 09.03.2012.godine u Sarajevu. Članica je Sportskog kluba „Flipper“. Višestruka je državna prvakinja u disciplinama delfin, slobodno, leđno i mješovito. Od Sportskog saveza dodjeljena joj je diploma za najperspektivnijeg sportistu 2024.godine.

16. Damian Slavuljica

- Damian Slavuljica, rođen 02.04.2010.godine u Sarajevu, član je Atletskog kluba „Vogošća“ i osvajač je prvog mjesta u bacanju koplja na Državnom prvenstvu održanom u Rogatici 2024.godine.

17. Almir Osmanović

- Almir Osmanović, rođen 29.03.2011. godine u Sarajevu, od 2019. godine aktivan član Atletskog kluba „Vogošća“ i osvajač prvog mjesta na 60 m i 300 m Državnog takmičenja održanog u Tuzli 2024. godine.

18. Amina Suljanović

- Amina Suljanović, rođena 31.01.2012.godine u Sarajevu. Aktivan je član Judo kluba „Vogošća“ te je na Državno prvenstvu za mlađe djevojčice u kategoriji -44 kg osvojila prvo mjesto.

19. Muhamed Mrkonjić

- Muhamed Mrkonjić, rođen 13.05.2009. godine u Sarajevu. Član je Sportskog kluba „Flipper“. Višestruki je državni prvak. Učestvovao je i na Međunarodnom plivačkom mitingu gdje je osvojio prvo mjesto u slobodnoj disciplini na 400m, delfin disciplina na 200 m i mješovita disciplina na 400 m.

20. Adna Balta

- Adna Balta, rođena 30.01.2009. godine u Sarajevu. Članica je Odbojkaškog kluba „Ort“. Nastupala u završnicama takmičenja mlađih kategorija u konkurenciji pionirki, kadetkinja i juniorki te je osvojila prvo mjesto u konkurenciji pionirki i juniorki. Nastupala je i za seniorski tim koji se takmiči u Premijer ligi BiH.

21. Adna Kurbagić

- Adna Kurbagić, 07.02.2005. godine u Sarajevu. Članica Ženskog odbojkaškog kluba „Borac“ Banja Luka. U selekciji juniorki stekla pravo na status „Perspektivnog sportiste Kantona Sarajevo“.

22. Amina Sarač

- Amina Sarač, rođena 19.09.2007. godine u Sarajevu. Članica je Taekwondo kluba Victory i na državnom prvenstvu BiH koje se održavalo u Tomislavgradu osvojila je treće mjesto i bronzanu medalju u kategoriji juniorki.

23. Nedžib Šehić

- Nedžib Šehić, rođen 01.10.2009. godine u Sarajevu, aktivan član Atletskog kluba „Vogošća“ od 2018.godine. Nedžib je osvajao treća mjesta na 100 m, 300 m, i štafeta 4x100 m na Državnom takmičenju „Pojedinačno prvenstvo BiH za dječake/djevojčice“ održanom u Rogatici 2024. godine.

24. Selsebil Sinanović

- Selsebil Sinanović, rođena 27.04.2010. godine u Tuzli. Članica je Atletskog kluba „Vogošća“ od 2019.godine, te je u 2024. godini na Državnom takmičenju osvojila treće mjesto na 800 m.

25. Muhamed Hurić

- Muhamed Hurić, rođen 13.05.2013. godine u Sarajevu. Član je Judo kluba „Champion“ od 2019.godine a na Državnom prvenstvu za mlađe dječake održanom na Palama 2024.godine osvojio treće mjesto i bronzanu medalju.

26. Sara Žero

- Sara Žero rođena je 09.02.2012. godine. Član je Atletskog kluba „Vogošća“ i dobitnica Diplome Sportskog Saveza Kantona Sarajevo za najperspektivnijeg sportistu Kantona Sarajevo u 2025. godini. U pojedinačnom državnom prvenstvu za BiH za dječake i djevojčice u Tuzli, osvojila je prvo mjesto. (štafeta 4x100 m 15.6.2025. god. Tuzla). Prvakinja je u 2025. godini u nekoliko atletskih disciplina i kategorija Federacije BiH. (1.mjesto na 300 m, 04.10.2025. Tuzla i 3. mjesto na 60 m, 04.10.2025. Tuzla).

KOMISIJA PREDLAŽE ZA „ZAHVALNICU OPĆINE VOGOŠĆA“

1. Udruženje žena „Zumbul“

- Udruženje žena „Zumbul“ je registrovano 28.02.2025. godine, sa sjedištem na adresi Blagovac 1/135. Udruženje broji 30 aktivnih članica i fokusirano je na ekonomsko osnaživanje žena, promociju zdravlja, humanitarni rad, očuvanje tradicije i društveni aktivizam.
- Udruženje organizuje edukativne radionice sa certificiranim edukatorima i učestvuje na društvenim stručnim događajima, uključujući 5. konferenciju umrežavanja bosanskohercegovačkih djevojaka i žena „Ujedinjene za mir i sigurnost“, gdje je postalo potpisnik Memoranduma o zajedničkom djelovanju ženskih udruženja u kontekstu provođenja UN Rezolucije 1325 – Žene, mir i sigurnost.
- Također učestvuje u manifestacijama kulturne baštine i tradicije, razvija međunarodnu saradnju, i uključuje se u projekte za osnaživanje mladih i zaštitu okoliša, kao što su „Odlučionica“ i „Ekološko“, te je suosnivač Zelenog vijeća.

2. ATV Klub Motka

- ATV klub „Motka“ Vogošća već duži niz godina djeluje na području općine Vogošća, ostvarujući značajan doprinos u oblasti sporta, humanitarnog rada i zaštite i spašavanja.
- Kroz svoj kontinuirani rad, Klub je organizovao brojne sportske i društveno korisne manifestacije, uključujući i događaje posvećene očuvanju sjećanja na istaknute pojedince i značajne datume iz historije Bosne i Hercegovine. Poseban doprinos Klub je dao kroz: organizaciju akcija čišćenja i uređenja okoliša, pomoć u vanrednim situacijama (poplave, snježne nepogode i druge elementarne nepogode), učešće u akcijama zaštite i spašavanja na nepristupačnim terenima, realizaciju humanitarnih akcija pomoći socijalno ugroženim kategorijama stanovništva.
- ATV klub „Motka“ svojim radom promoviše solidarnost, humanost i društvenu odgovornost, te predstavlja pozitivan primjer angažmana u lokalnoj zajednici.

3. Adil Mehmedović

- Adil Mehmedović, rođen 18. 02. 1968. godine. Svojim dugogodišnjim radom, ličnim zalaganjem i društvenim angažmanom dao je značajan doprinos razvoju i unapređenju lokalne zajednice na području Općine Vogošća.
- Na samom početku agresije na Bosnu i Hercegovinu, Adil Mehmedović se aktivno uključuje u odbranu domovine kao pripadnik Armije Republike Bosne i Hercegovine, iskazujući patriotizam, hrabrost i spremnost da doprinese očuvanju države i njenog naroda. Kao predsjednik Savjeta mjesne zajednice Vogošća I u mandatu 2021–2025. godine, dao je značajan doprinos rješavanju komunalnih i infrastrukturnih pitanja, unapređenju uslova života građana, te jačanju saradnje između građana i lokalne vlasti.
- Njegov rad karakterišu odgovornost, pristupačnost i spremnost da odgovori na potrebe svojih sugrađana. Svojim ličnim primjerom promoviše vrijednosti odgovornosti, poštenja i društvene angažovanosti.

4. Policijska uprava Vogošća

- Policijska uprava Vogošća je svojim profesionalnim, odgovornim i predanim djelovanjem dala izuzetan doprinos u organizaciji i realizaciji aktivnosti povodom kolektivne dženaze mještana Tihovića, iskazujući visok stepen posvećenosti, humanosti i poštovanja prema žrtvama i njihovim

porodicama. U izuzetno zahtjevnim okolnostima, službenici Policijske uprave Vogošća osigurali su nesmetano i dostojanstveno odvijanje svih planiranih aktivnosti, pružajući punu podršku organizatorima i učesnicima dženaze.

- Njihov angažman obuhvatao je osiguranje javnog reda i mira, regulaciju saobraćaja, kao i koordinaciju sa drugim nadležnim službama, čime je omogućen siguran i organizovan tok ovog značajnog događaja. Posebno se ističe profesionalan i empatičan pristup policijskih službenika prema porodicama žrtava i svim prisutnim građanima, čime su dodatno doprinijeli očuvanju dostojanstva i pijeteta prema nevino stradalim mještanima Tihovića.
- Policijska uprava Vogošća još jednom je potvrdila svoju ključnu ulogu u službi građana i zajednice, posebno u trenucima od posebnog društvenog i emotivnog značaja.

5. Nedžad Brkanić

- Nedžad Brkanić, rođen 25. februara 1959. godine, dugogodišnji je stanovnik i starosjedilac općine Vogošća, čiji je životni i radni vijek neraskidivo vezan za razvoj i sigurnost lokalne zajednice.
- Tokom agresije na Bosnu i Hercegovinu, zatečen u naselju Kobilja Glava, aktivno se uključuje u organizaciju otpora i daje značajan doprinos odbrani svoje lokalne zajednice i domovine. Njegov patriotizam, odgovornost i spremnost na djelovanje u najtežim trenucima ostaju trajno obilježje njegovog karaktera i javnog djelovanja.
- Posebno se ističe njegov dugogodišnji rad na ublažavanju i sanaciji posljedica prirodnih i drugih nesreća, kao i aktivno učešće u radu Općinskog štaba civilne zaštite. Tokom svog angažmana učestvovao je u prevazilaženju posljedica četiri proglašene prirodne nesreće na području općine Vogošća, pokazujući izuzetnu profesionalnost, organizacione sposobnosti i ličnu posvećenost. Zahvaljujući njegovom predanom radu, kao i radu tima kojem je pripadao, Općina Vogošća je 2021. godine zvanično proglašena općinom bez mina, što predstavlja historijski uspjeh i trajni doprinos sigurnijem i kvalitetnijem životu svih njenih građana.
- Porodičan čovjek, oženjen i otac dvoje djece, svojim ličnim primjerom promovise vrijednosti odgovornosti, predanosti i društvene solidarnosti.

6. Hasan Šabić

- Hasan Šabić je dugogodišnji volonter humanitarne organizacije Merhamet i istaknuti član džemata, koji svojim kontinuiranim i predanim radom daje značajan doprinos razvoju solidarnosti i međusobne brige u zajednici.
- Kao pokretač i realizator više humanitarnih aktivnosti, posebno se ističe njegov angažman na obezbjeđenju stipendija za najuspješnije učenike i učenice iz višečlanih porodica, čime direktno doprinosi unapređenju obrazovanja i stvaranju boljih uslova za razvoj mladih. Hasan Šabić je demobilisani borac koji je dao doprinos u odbrani Bosne i Hercegovine, a i nakon toga nastavio je aktivno djelovati u službi zajednice.
- Trenutno je zaposlen u osnovnoj školi na poslovima tehničkog osoblja, gdje svoje radne obaveze izvršava savjesno, odgovorno i profesionalno, bez obzira na viši nivo stručne spreme koji posjeduje. Posebno se ističe njegova spremnost da samostalno organizuje i realizuje aktivnosti pomoći za socijalno ugrožene građane. Dugogodišnji angažman Hasana Šabića u lokalnoj zajednici potvrđuje njegovu posvećenost vrijednostima zajedništva, humanosti i društvene odgovornosti, te predstavlja primjer uzornog građanina.

7. Muhidin Alispahić

- Muhidin Alispahić, rođen je 05.06.1970. godine u općini Olovo, a nastanjen je u naselju Kremeš općina Vogošća. Isti je svojim zalaganjem i trudom već više od dvije decenije svoga života značajno doprinio razvoju infrastrukture, prvenstveno naselja Kremeš, mjesne zajednice Vogošća II kao i same općine Vogošća.
- Posebno naglašavamo da Muhidin Alispahić svojom brigom o lokalnom vodovodu Gornja Vogošća II i Kremeš požrtvovano obavlja sve poslove održavanja cjelokupnog sistema za vodosnabdijevanje navedenog naselja i požrtvovano doprinosi boljitku života stanovnika općine Vogošća.

8. Elmedin Pirić

- Elmedin Pirić, rođen 23.01.1970. godine u Vaihingenu (Njemačka), za dugogodišnji predan rad u oblasti obrazovanja, izuzetan doprinos razvoju mladih generacija, kao i nesebičan angažman u društvenom i humanitarnom životu zajednice. Kao nastavnik geografije, profesor Pirić je kroz svoj rad ostvario zapažene rezultate sa učenicima na brojnim općinskim, kantonalnim i međunarodnim takmičenjima, kontinuirano promovirajući znanje, rad i izvrsnost.
- Posebno se ističu vrhunski rezultati na Balkanskim međunarodnim geografskim olimpijadama, gdje su njegovi učenici ostvarili historijske uspjehe za osnovno obrazovanje u Vogošći, uključujući osvajanje medalja i priznanja.
- Pored prosvjetnog rada, profesor Pirić se istakao i kao društveno odgovoran građanin. Aktivno je učestvovao u odbrani Bosne i Hercegovine tokom perioda 1992–1995. godine, a u mirnodopskom periodu dao je značajan doprinos humanitarnim akcijama, posebno kroz angažman u organizaciji prikupljanja sredstava za liječenje oboljelih sugrađana.

9. Nisveta Huskić

- Huskić Nisveta, rođena 05.05.1977. godine u Bihaću, od 2008. godine živi i djeluje u Vogošći, gdje je svojim predanim radom i društvenim angažmanom ostavila značajan trag u lokalnoj zajednici. Kao apsolvent žurnalistike i dugogodišnja uposlenica Radio-televizije Federacije BiH, izgradila je prepoznatljiv profesionalni put u oblasti komunikacija i promocije, čime kontinuirano doprinosi kvalitetnijem informisanju javnosti.
- Posebno se ističe njen angažman na rješavanju pitanja centralnog grijanja, gdje je kroz inicijative i saradnju sa općinskim službama dala konkretan doprinos unapređenju uslova života građana. Njena posvećenost zajednici ogleda i u saradnji sa drugim relevantnim akterima, čime je dodatno osnažila realizaciju značajnih projekata od interesa za lokalno stanovništvo. Prije toga, aktivno je djelovala na polju zaštite životinja, učestvujući u spašavanju i zbrinjavanju napuštenih životinja, pokazujući visok nivo humanosti i društvene odgovornosti.

10. Kuglaški klub „Vogošća“

- Kuglaški klub „Vogošća“ je jedan od najstarijih sportskih društava u Vogošći. Osnovan je davne 1956. godine. Kroz sedamdeset godišnji period postojanja u više navrata je mijenjao naziv kluba. Prilikom osnivanja klub se zvao KK „Pretis“, zatim KK „Unis“, da bi ime KK „Vogošća“ dobio 2003. godine kada je ponovo obnovio rad, poslije jednog perioda kada se Klub nije takmičio usljed ratnih okolnosti u Bosni i Hercegovini.
- Za 70 godina postojanja kroz Klub je prošao veliki broj takmičara koji su postizali impresivne rezultate kako u bivšoj državi, kada je imao prvake Jugoslavije u parovima i značajan broj reprezentativaca, tako i u poslijeratnom periodu kada su nastupali za Bosnu i Hercegovinu.
- Za žensku reprezentaciju Bosne i Hercegovine su nastupale i dvije takmičarke KK „Vogošća“.
- Klub se trenutno takmiči u Prvoj ligi Federacije BiH, a do prije četiri godine se sa velikim uspjehom dugo godina takmičio u Premijer ligi Bosne i Hercegovine.
- Klub svake godine organizira sada već tradicionalni međunarodni turnir čuvajući sjećanje na braću Esada i Senada Kurspahić, koji su nastupali za reprezentaciju Jugoslavije, a kasnije za reprezentaciju Bosne i Hercegovine.
- Kuglaški klub „Vogošća“ je sjajan domaćin, a tome u prilog idu reakcije mnogih klubova u Bosni i Hercegovini gdje njihovi članovi u superlativu govore o našem Klubu. Ističu da su uvijek dočekani sa dužnim poštovanjem i u sjajnoj sportskoj atmosferi u našoj kuglani. Ističu da u fer i sportskom nadmetanju sa dostojanstvenim ponašanjem kao članovi KK „Vogošća“ i kao reprezentativci i reprezentativke muške i ženske ekipe Bosne i Hercegovine, na najbolji mogući način promoviraju Općinu Vogošću u cjelini.

11. Mustafa Halać

- Halać Mustafa, rođen 05.01.1953. godine u selu Tihovići, općina Vogošća. Nakon školovanja, svoj radni vijek je proveo u firmi „Pretis“ do odlaska u penziju. Demobilisani je borac Armije BiH, član Patriotske lige Vogošća. Bio je član Savjeta MZ Blagovac, nakon povratka mještana u Tihoviće.

Društveno – politički aktivan, od svoje rane mladosti, inicijator bezbroj aktivnosti, na području MZ Blagovac, posebno za naselje Tihovići.

- Predsjednik Odbora za izgradnju puta kroz selo Tihoviće i PTT mreže, prije agresije na BiH, gdje su sami mještani učestvovali u izgradnji i dali najveći doprinos, za ovu komunalnu infrastrukturu. Nakon reintegracije Vogošće, uključuje se i vodi aktivnosti na rekonstrukciji lokalnih vodovoda, asfaltiranju puta za selo Grab, izgradnji centralne džamije u Vogošći, Tihovićima i Blagovcu, gdje je i član džamijskog odbora.
- Izgradnju džamije u Tihovićima, vodio je od početka do završetka izgradnje, kao predsjednik građevinskog odbora. Ovim aktivnostima, faktički je zaokružio egzistencijalne potrebe mještana, svog naselja i šire zajednice. Praktično je svoj život posvetio zajednici i napretku, otac je dvoje uzorne djece, koja žive u Vogošći, sa svojim porodicama.

12. Kadrija Malkić

- Kadrija Malkić je privrednik i društveno odgovorna osoba iz Vogošće, prepoznat kao uspješan poduzetnik u oblasti građevinarstva i kao pojedinac koji aktivno doprinosi lokalnoj zajednici.
- Osnivač je i direktor kompanije KM Inženjering d.o.o. Sarajevo, firme registrovane 2016. godine, čija je osnovna djelatnost izgradnja stambenih i nestambenih objekata. Pod njegovim rukovodstvom, kompanija je ostvarila stabilno poslovanje i pozicionirala se kao pouzdan partner u građevinskom sektoru, uz kontinuiran razvoj i zapošljavanje radnika. Pored poslovnog angažmana, Kadrija Malkić je poznat po svojoj humanosti i društvenoj odgovornosti.
- Njegova nesebična pomoć građanima posebno je došla do izražaja početkom 2026. godine, kada je donirao pet tona soli stanovnicima Vogošće kako bi se olakšalo kretanje tokom zimskih uvjeta i povećala sigurnost pješaka. Ovaj čin solidarnosti izazvao je pozitivne reakcije javnosti i poslužio kao primjer brige za zajednicu. Kroz svoj rad i djelovanje, Kadrija Malkić pokazuje spoj poduzetničkog duha i izraženog osjećaja za društvenu odgovornost, doprinoseći razvoju lokalne zajednice i promovirajući vrijednosti solidarnosti i zajedništva.